



www.BibleForChildren.org


Matayo 8



Ebyo ni byanjwa, nabitano endaaloo edatu nga nabano embaga ey'obugole mu hibuga e Kaana mu twale ly'e Galilaaya. Nyina ya Yesu gaaliyo, era Yesu n'abeegi babe boosi baali babalangire hu mbaga eyo.



Abaatu ni banywa omwenge gw'emizabbibbu ogu baali
ni bategehire gwanwano, nga nyina amuloma ati,
“Mwana wange, abaatu bano ebyohunywa
bibanjoyeho.” Nga nyina aloma abanjeeresa ati,
“Muhole hyosihyosi ehi anabalome.”



Nga Yesu aloma abanjeeresa ati,
“Mwijuse agatamu ago amaaji.” Nga
bagejusa n’ohumuniga. Ng’ango abaloma
ati, “Ŋaahani mudanjeho munjirire omuhulu
w’embaga.”



Nga boosi badanja banjirira omuhulu w'embaga amaaji
ago agaali ni gafuuhire omwenge gwomu mizabbibbu
ng'anywaho. Cooka niye
sigamanya eyi gwanjwa
aye abanjeeresa nibo
baali bamanyire.



Ng'ango omuhulu w'embaga alanga omugole omusinde
amuloma ati, "Abahyo beheerera hugabula omwenge
omulangi. Abaatu ni bahena
ohunywa, nga ko
baloosaho ogutali
mulangi. Ne ewe
obihiriiye omulangi
ohwosa esaawa yino!"





Hano nj'ahabonero ahenjijisa ahadaayi aha Yesu
gahola e Kaana mu twale ly'e
Galilaaya, eyo galaga
obunangi buwe era
ng'abeegi babe
bamutamo owesige.



Ng'ango Yesu anjwa mu humbaaniro
eryo, atiina ewa Peetero. Ni gengira
mu nyumba, gasanjaana masaala
ya Peetero n'alambaaye hubuliri
n'ali mulwaye w'omusuuja omwene
ogw'amaani.



Ng'amunamba hu muhono, anjo ni naano omusuuja
ogwali ni gumuluma nga gunona, era nga genyoha
amutegeherano ehyohulya.



Ng'ango egulo esaawa niija ohugwa mu maaji, abaatu
banwerehereramo banjira abalwaye n'abaaliho
emisambwa eyiri Yesu.

Era abaatu abomu
hibuga ehyo bosibosi
nga beejuha ebulafu
nga mulyango
gw'enyumba
omu gaali.



Ng'anonia bangi abaali n'obulwaye owa hiisi ngeri.
N'abaaliho emisambwa gajibabbingaho, cooka
n'atajiganya huba n'ehi jiroma olwohuba jaali
jimumanyire.




Hiisi mulala hu bo genyigirisa asobole ohumwolerera
amuṇambeho gahaṇona, olwohuba amaani agaṇonia
gamuṇwangamo ni
gabaṇonia.




Yesu ni gaali n'abalomera ehibono hya Hatonda, nga
nabaango abasinde bane abatiinayo ni banjira omuutu
owaali n'asanyalaaye ni bamugegire hu musigaasiga.



Olw'obungi w'abaatu bahaya
engeri eyimwosa aña Yesu
gaali.



Ehyanwamo nga baniina namugulu
banjomola ejundu mu hasolya
h'enyumba omu gaali, nga babisya
omulwaye mu njundu eryo,
bamwihisa hu musigaasiga
ohu bamuleetera
ohumwosa aña
Yesu gaali.




Yesu ni gabona ohufugiirira hwawe, ng'aloma
omulwaye ati, "Mwana
wange, kusoninjire
ebibi bibyo."

"Yinyoha ogege
omusigaasiga
gugwo,
wagameyo
ewenywe."




Yesu ni ganiina eryato, abeegi babe baleha ango
ehinjindi hy'abaatu, nga bambuha
ni naye. Ni baali ni bahiiri mu
lugendo, ng'ero lijamba Yesu
ajenyuha. Hibuyaga
ow'amaani ng'ahubba
hu nyanja ng'ebimoto
by'amaaji
byedanyanga mu lyato.



Ng'ango Yesu abagobolamo ati, “Lwahiina mutya? Muli n'ohufugiirira hutotono?” Nga genyoha ahayuhira hibuyaga ko n'ebimoto by'amaaji ebyali ni byefuhisa hu nyanja. Ng'ango hibuyaga ateeha n'enyanya ng'ebunjeerera erala.

Ehyo hyahena abeegi abo efiiri hu mutwe, bebuusa abeene n'abeene baati, “Omuutu ono wa

ngerhi oyu wayire hibuyaga n'ebimoto by'amaaji hu nyanja binjulira?”



Hatonda ni gendire bugali abaatu,
gaṇayo Omwana wuwe omulala
wogobbo, ko hiisi amufugiirira
atahiiriha aye asune obulamu
obutanṅwaṅo.



Abarooma 3:23

olwohuba abaatu bosibosi babbengi mu moni ja Hatonda
era njanuma kadi mulala owolana n'enono lirye.

Abarooma 6:23

Ohufa nj'omuhemba ogubana omuutu aholo ehibi, aye
obulamu obutanwano nj'ehirabo ehi Hatonda agaba
ohubita mu Yesu Kurisito Musengwa weefe.

Ababbebbulaniya 9:27

Ng'olu hiisi muutu ali n'ohufa omulundi omulala
oluvanyuma bamusalire omusango,



Abefeeso 2:8,9

Mwanonjoha olw'ehisasabirisi hihye olu mwamufugiirira,
olwohuba ohunonjoha simaani genywe aye hirabo hya
Hatonda. Hatonda sigabanonjola olw'ebikolwa byenywe
ebirangi olw'ehyo njanjume owepaahapaaha.

Abarooma 10:9,10

Singa waatula n'omunwa gugwo oti Yesu nje Musengwa
n'otayeho n'ohufugiirira mu mwoyo gugwo oti Hatonda
gamulamusa mu bafu, ononjoha. Olwohuba omuutu
afugiirira n'omwoyo gugwe ko bamubala ohuba
omugwalaafu era ohunonjoha, geyatulira n'omunwa gugwe
omwene ati anonjohire.



Yowaane 3:16,17

Hatonda ni gendire bugali abaatu, ganayo Omwana wuwe omulala wogobbo, ko hiisi amufugiirira atasihiiriha aye asune obulamu obutanwano. Olwohuba Hatonda sigatuma Mwana wuwe hu hyalo ohusalira abaatu omusango aye banonohe ni babita mu niye.

1 Yowaane 5:11-13

Hatonda aloma ati gaatunja obulamu obutanwano era hubusuna ohubita mu Mwana wuwe oyo. Hiisi muutu afugiirira Omwana wa Hatonda ali n'obulamu obutanwano, aye oyo atamufugiirira abunjuma. Pandiihira enywe abafugiirira muuti Yesu Mwana wa Hatonda mwahamanya muuti muli n'obulamu obutanwano.



Matayo 8-9; Mariko 1-2, 4; Luka 4, 8; Yowaane 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Nyole NT (nuj) © (Active), Wycliffe Bible Translators, Inc.
All rights reserved.

<https://live.bible.is/bible/NUJWBT/MAT/1>

©2026 Bible for Children, Inc.

www.M1914.org

www.bibleforchildren.org

